

嚴氏詩緝

卷二十八之三

詩緝卷之二十八

朝奉大夫臣嚴粲述

公劉召康公戒成王也成王將涖政

涖音利

戒以

民事美公劉之厚於民

箋曰公劉后稷之曾孫

而獻是詩

也

箋曰成王始幼少周公居攝政及歸之成王將涖政召公懼成王尚幼稚不留意於治民

之事故作詩美公劉以戒之也○詩記曰史記云夏后氏政衰去稷不務不亩失其官而奔戎

狄之間不亩孫公劉雖在戎狄之間復脩后稷之業亩竹律反○王氏曰周之有公劉言乎其

時則甚微言乎其事則甚勤稱時之甚微以戒其盈稱事之甚勤以懲其逸蓋召公之志也

篤公劉

傳曰篤厚也○今曰公劉克篤前烈○釋文曰王云公號劉名也尚書傳云公

爵劉名也王基云公劉字也。詩故曰周人以諱事神王者。裕百世召公不當舉名然則公劉

其號也。匪居匪康箋曰康安也。廼場廼疆場音亦。信南山傳曰場

畔也。董氏曰疆界也。場疆皆田之界。畔然詩言廼場廼疆當有小別。疆如封疆所包者廣故

王氏於信南山言疆者為之大界。然則場是小界。今之小田塍也。廼積廼倉積如

字。董氏曰積委積也。此委積。音餽恣。朱氏曰積露積也。廼裏餽糧裏音

音侯。今日餽乾食也。于橐于囊橐音託。傳解見伐木糧食米也。曰小曰橐大

曰囊。疏曰宣二年左傳稱趙盾見靈輒餓為之簞食與肉。賁諸橐以與之。橐唯盛食而已。是

其小也。簞食與肉。賁橐是乾餽盛于橐也。哀六年公羊傳稱陳乞欲立公子陽生盛之巨囊內

可以容人。是其大也。今日東方朔傳思輯用云奉一囊粟是糧米盛于囊也。奉音備。思輯用

光

輯音集。今日書輯五瑞註云斂也此輯亦聚集之也

弓矢斯張干戈

戚揚

箋曰干盾也盾食允反。戈解見曹侯人傳曰戚斧也揚鉞也鉞音越。詩記曰

左傳工尹路曰君王命剝圭以為鉞秘注鉞斧也秘柄也秘音祕。疏曰鉞大而斧小六韜云

大阿斧重八斤一名天鉞

爰方啓行

朱氏曰方猶始也

首章述公劉在西戎謀遷於豳也自后稷封

於邠傳子不窋夏后氏政衰去稷不務不窋

失其官竄于西戎不窋之孫公劉自西戎而

遷于豳遷國安民非篤厚者不能故言篤厚

乎公劉也以下乃述厚民之事唯篤厚故能

厚民也公劉之在西戎不敢居處不敢安寧  
謂不安於夷狄之陋謀爲遷豳之計也將欲  
遷國必先聚糧治兵故廼場以治其田之小  
勝廼疆以治其田之大界乃蓄其露積乃實  
其倉廩旣已富疆乃盛其乾餼于小橐盛其  
糧米于大囊思以斂集其民而光顯其國遷  
國則民易離散故必有恩意斂集之也於是  
弓矢則張之又有干盾戈戟戚斧揚鉞於是  
方開路而行以遷於豳焉

詩記曰毛鄭以公  
劉居於邠而遭夏

人亂避難遷於幽且以為在郃有疆場積倉  
為夏人迫逐乃棄而去攷之是章意象整暇  
不見迫逐之事以國語史記參之蓋自不窋  
已窋于西戎至公劉而復興疆場積倉內治  
既備然後裏糧治兵拓大境土而遷都于幽  
焉國都雖遷向之疆場積倉固在其封內也

篤公劉于胥斯原傳曰胥相也相去聲既庶既

繁箋曰庶衆也繁多也既順迺宣曹氏曰順樂從也陳氏曰宣導也而無

永嘆平聲陟則在嶽音所之上○釋山曰重巖音儼○郭璞曰山形

如累兩巖巖巖也○釋文曰毛復降在原何以

丹之傳曰丹帶也維玉及瑤音遥○今日瑤美玉也

者韞琇容另韞音丙琇必孔反亦作韞○韞琇解見瞻彼洛矣○疏曰此傳云韞下飾

以下不言其飾故指鞞之體云下飾也○朱氏曰容刀其中容刀也

次章述至函相宅也篤厚乎公劉也往相廣平之原地以居其民其民既庶而衆矣既繁而多矣庶即繁也言庶而又言繁見歸者愈多也衆多則宜意嚮難齊今皆順從而樂遷矣公劉猶恐民之初遷有懷不能以自達廼復宣導在下之情欲人人皆得其所也盤庚之民必再三宣導而後順從今既順乃宣則本無扞格而上猶慮其壅蔽也故歡欣交通

無有永嘆而不滿者非民咨胥怨之比也民  
見公劉升則在巘山之上以觀其形勢復下  
而在原以察其處所反覆相視以民居爲重  
遂言公劉登陟之際何所佩帶乎惟玉及美  
玉之瑤又有鞞鞘其上飾有琫以容其刀也  
稱公劉佩服之美者承上文而無永嘆述斯  
民喜之之情也

黃氏曰詩人之情其惡是人  
也必言其車服之盛佩玉之

飾以見其不足以稱之其喜是人  
也亦必言其車服之盛佩玉之飾以見其足以稱之

○縣廼宣兼廼畝言之則爲宣導溝洫此廼

宣承既順言之下云而無永嘆則為宣導下

情

篤公劉逝彼百泉

箋曰逝往也。張子曰只看百泉之往處便知地形也。

瞻彼溇原

溇音普。溇曰溇廣也。

迺陟南岡

箋曰山春曰岡

迺覲

于京

傳曰覲見也。箋曰絕高為之京。李巡曰丘之高者曰京。今曰此乃覲于京。

非岐周地名之京故鄭氏以為絕高為之京謂高丘耳。有考見文王。

京師之野

傳曰是乃大眾所宜居也。董氏曰所謂京師者始於此其後世因以所都為京師曰嬪于京依其在京則岐周之京也王配于京則鎬京也春秋所書京師則洛邑也皆仍其本號而稱之猶晉之言新絳故絳也公羊以為眾大非也。

于時處處

杵音

于時廬旅

傳曰廬可也。疏曰地官遺人云十里有廬是舍之名賓客寄舍其中衛戴公廬於漕遺去聲

于時言言

傳曰直言曰言。疏曰謂一人自言。蘇氏曰言言施教令

于時

語語

傳曰論難曰語。疏曰謂二人相對。蘇氏曰語語議政事

三章述營度邑居也篤厚乎公劉也其營京

邑也自下觀之則往彼衆水所聚之處又望

彼溥廣之原自上觀之則升彼南山之岡脊

乃見高大之京丘可居也此京地乃衆民所

宜居之野於是經畫以定之於此作民居以

處其處者於此作客舍以廬其旅者於此施

教令於此議政事各有所見規模整整也  
處謂居民旅謂賓旅也。百泉衆水也今地  
理家言衆水所聚爲得水也曹氏據杜佑云  
百泉在漢爲朝那縣屬安定郡在唐爲百泉  
縣屬平涼郡魏於其地置原州唐因之當是  
其地因詩百泉而得名猶因杜詩不夜月臨  
關後人遂置不夜關耳

篤公劉于京斯依蹌蹌濟濟濟之上俾筵俾几箋曰

也俾使既登乃依毛如字鄭上聲乃造其曹造音

慍。箋曰造適也。

○傳曰曹羣也。

執豕于牢。

傳曰執豕于牢，新國則殺禮也。殺所

戒反。○疏曰饗禮當亨太牢以飲賓，此唯用豕。

新至，酺地殺禮也。晉語云：大任洩於豕牢而生。

文王即牢是養豕之處。燕禮：羹定乃納賓，此賓

升乃執豕者，其實執豕在登席之前，欲使賓與

散酒各自相近故也。洩，音搜。作濇同。小便也。

以質也。○疏曰匏是自酌之用。匏，音庖。○傳曰

然之物，故云儉且質也。食之飲之，飲音蔭。君之

宗之，傳曰宗尊也。

四章述宮室既成而落之也。篤厚乎公劉也。

於此高丘之京，依而居之，謂宮室既成而安

其居也。於是與羣臣飲酒以落之，其禮容之

其居也。於是與羣臣飲酒以落之，其禮容之

盛蹌蹌濟濟然公劉使人為之設筵使人為之設几賓已登席坐矣乃依几矣前乎此公劉使人造適其牧豕之羣執豕於牢中以為飲酒之殽其酌此酒用匏為爵公劉之於羣臣既設饌以食之設酒以飲之禮雖簡儉羣臣君之尊之不失敬也

篤公劉既溥既長

箋曰溥廣也

既景迺岡

傳曰考於日景參之

高岡。今日地官大司徒正日景以求地中注景如字本或作影非

相

聲。箋曰相其陰陽寒暖所宜觀其流泉

疏曰流泉所以灌既

其軍三單

箋曰大國之制三軍以其餘卒為羨今公劉遷於豳民始從之丁夫適滿三軍之數單者無羨卒也羨延之去聲。疏曰小司徒云凡起徒役無過家一人以其餘為羨羨謂家之副丁也

度其隰原

度音鐸

徹田為糧

箋曰什一而稅謂之徹。李氏曰周之徹

法最為盡善自公劉始後世從而守之

度其夕陽

傳曰山西曰夕陽。箋曰夕陽

者豳之所處也。疏曰豳在其山之西不知是何山也書傳說大王去豳踰梁山注云梁山在

岐山東北然則豳國之東有大山者其唯梁山乎

豳居允荒

豳解見豳譜。傳曰

荒大也

五章述辨土宜制軍賦也篤厚乎公劉也所

遷之地既廣矣既長矣既揆之日景以定其

東西於是升高岡以相其陰陽寒煖之宜觀其水泉灌溉之利將以治田疇也后稷上公之封大國三軍以其餘卒爲羨今丁夫適滿三軍之數唯單而已無羨卒也又於是度其隰田原田之多少以什一之徹法取於民以爲糧食地利肥磽不同故必度之而後可以制賦三軍唯單賦法以徹兵食皆不病民厚之至也豳國在梁山之西故言自公劉相此夕陽之地以建豳居信乎其荒大也美其遷

國之善也

篤公劉于豳斯館

傳曰館舍也。朱氏曰客舍也。補傳曰始言斯館卒言

止旅蓋以處新甿也

涉渭為亂

傳曰正絕流曰亂。朱氏曰舟之絕流橫渡者也

取厲取鍛

丁亂反。朱氏曰厲砥石也。疏曰鍛者治鐵之名

止基廼理

解頤新語曰止基居止之基

爰衆爰有夾其皇澗

傳曰皇澗名也

其過澗

過平聲。傳曰澗名也

止旅廼密

今日止旅來止之旅

芮鞠之即

芮如銳反本又作汭鞠音菊。蘇氏曰芮水出吳山西北東入涇芮鞠芮

水之外也。今日西漢地理志扶風汧縣注云芮水出西北東入涇引此詩為證蘇說是也毛

以芮為水涯鄭以為水之內今不從汧音牽。箋曰水之內曰隩水之外曰鞠。疏曰即就也

末章述處新甿也新甿之至者公劉爲作館  
以居之將作此館舍先使人涉渡渭水乘舟  
橫渡爲亂而過取厲刀之石又取所鍛之鐵  
以治其器用旣定居止之基廼疆理其田畝  
其相續而來者愈多愈有於是或有夾皇澗  
而在澗兩邊以居者或有遡過澗而開門向  
水以居者旣而來止之旅日以益密皇澗過  
澗之旁不足以容之於是又就芮水之外而

居之

詩記曰風氣日開民編日衆規模曰廣  
有方興未艾之象焉周之王業旣兆于